

Broj. 02-11-11120/23-9  
Mostar, 02.11.2023.godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“ broj 39/14 i 59/22) (Zakon), člana 43. Statuta Grada Mostara („Gradski službeni glasnik Grada Mostara“ broj: 4/04, „Službeni glasnik Grada Mostara“ broj: 8/09 i 15/10), a na osnovu Preporuke Komisije za javnu nabavku radova održavanja i ugradnje znakova na području Grada Mostara broj: 02-11-11120/23-8 od 02.11.2023.godine, gradonačelnik Grada Mostara donio je

### **O D L U K U**

#### **o izboru najpovoljnijeg ponuđača u postupku nabavke radova održavanja i ugradnje znakova na području Grada Mostara**

##### **Član 1.**

(1) **Predmet javne nabavke** ( u daljem tekstu: nabavka): Javna nabavka radova održavanja i ugradnje znakova na području Grada Mostara.

##### **Član 2.**

(1) **Javno oglašavanje:** Obavještenje o nabavci broj: 1059-1-3-47-3-73/23 objavljeno na PJN dana 14.07.2023.godine.

##### **Član 3.**

- (1) **Procijenjena vrijednost nabavke:** 299.145,00 (bez PDV-a)  
(2) **Izvor finansiranja:** Sredstva u Budžetu/Proračunu Grada Mostara za 2023.godinu; stavka „Tekuće održavanje horizontalne i vertikalne signalizacije“ Fond 225; Funkcija 0661; ek. kod 613724; stavka „ Taxi stajališta“; Fond 225; Funkcija 0661; Ek kod 613723

##### **Član 4.**

(1) **Vrsta postupka nabavke:** Otvoreni postupak.

##### **Član 5.**

(1) **Broj zaprimljenih ponuda:** 2 (dvije).

##### **Član 6.**

(1) **Izabrani ponuđač/grupa ponuđača:**  
„Colorex“ d.o.o. Mostar sa cijenom 296.850,00KM (bez PDV-a).

##### **Član 7.**

(1) **Objava:** Odluka će se objaviti na web-stranici [www.mostar.ba](http://www.mostar.ba) istovremeno sa upućivanjem ponuđačima koji su učestvovali u postupku javne nabavke.

## Obrazloženje

Odlukom gradonačelnika Grada Mostara broj: 02-11-11120/23 od 22.06.2023.godine pokrenut je postupak javne nabavke održavanja i ugradnje znakova na području Grada Mostara

Obavještenje o nabavci broj: 1059-1-3-47-3-73/23 objavljeno je na PJN dana 14.07.2023.godine.

Ukupna procijenjena vrijednost nabavke je 299.145,00KM (bez PDV-a).

Komisija za javnu nabavku imenovana je Odlukom broj: 02-11-11120/23-1 od 22.06.2023.godine.

Komisija za javnu nabavku je dana 08.09.2023.godine pristupila javnom otvaranju blagovremeno dostavljenih ponuda, sačinila Zapisnik o otvaranju ponuda i konstatovala da su u roku određenom za dostavljanje ponuda, dostavljene 2 (dvije) ponude i to:

1. „Buljan ceste“ d.o.o. Kreševo  
ponuđena cijena 299.050,00 ( bez uračunatog PDV-a)
2. „Colorex“ d.o.o. Mostar  
ponuđena cijna 296.852,00KM ( bez uračunatog PDV-a)

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila sljedeće:

- **ponuda broj 1 ponuđača „Buljan ceste“ d.o.o. Kreševo** ne ispunjava formalno pravne i tehničke uslove i zahtjeve iz tenderske dokumentacije te je ponuda neprihvatljiva za ugovorni organ iz sljedećih razloga:
- Tačkom 14.1. tenderske dokumentacije broj 02-11-11120/23 postavljeni su minimalni zahtjevi u pogledu tehničke i profesionalne sposobnosti u smislu člana 48. i 51. ZJN BiH, te je propisano da ponuđači trebaju ispuniti sljedeće minimalne uvjete za kvalifikaciju. Tačkom 14.1. pod c) propisani su uslovi da ponuđači moraju posjedovati ili imati osiguran pristup tehničkoj opremi potrebnoj za realizaciju ugovora, koja mora zadovoljavati sljedeće uvjete:

- jedan stroj za instalaciju odbojne ograde (samohodni stroj za pobijanje stupova i instalaciju odbojne ograde sa čekićem za pobijanje snage minimalno 950 joule ili više, i maksimalnom visinom pobijanja od 2900 mm ili više).

U svrhu dokaza o ispunjavanju uvjeta utvrđenih u točki 14.1. pod c) TD ponuđači su bili dužni u ponudi dostaviti sljedeće dokaze (pod c): Izjava/potvrda o posjedovanju ili osiguranom pristupu tehničkoj opremi potrebnoj za realizaciju ugovora (Aneks 5c). Uz izjavu kao dokaz dostaviti potvrde – dokaze o stvarnoj dostupnosti i ispunjavanju postavljenih tehničkih uvjeta (karakteristika) u pogledu tehničke opreme iz t. 14.1. pod c) ove tenderske dokumentacije. Uvidom i analizom ponude ponuđača „Buljan Ceste“ d.o.o. Kreševo, Komisija je utvrdila da je ponuđač „Buljan Ceste“ d.o.o. Kreševo u svojoj ponudi dostavio dokaz – upotrebnu dozvolu broj 01-11/20-X za stroj za postavljanje stupova zaštitne ograde Orteco Pile Drive HD 1000, a kojima se djelomično dokazuje ispunjenost postavljenih minimalnih zahtjeva iz t. 14.1. tenderske dokumentacije (samo u dijelu čekića za pobijanje snage 1200 joule), dok u preostalom dijelu postavljenih uslova (maksimalna visina pobijanja od 2900 mm ili više) ponuđač „Buljan Ceste“ d.o.o. Kreševo nije dostavio zahtijevane dokaze kojima dokazuje da stroj za instalaciju odbojne ograde naveden u izjavi o posjedovanju ili osiguranom pristupu tehničkoj

opremi potrebnoj za realizaciju ugovora (Aneks 5c) ima kapacitet maksimalne visine pobijanja od minimalno 2900 mm ili više. Imajući u vidu da je tačkom 14.2. predmetne tenderske dokumentacije propisano da su ponuđači bili dužni u ponudi dostaviti dokaze o ispunjavanju minimalnih uvjeta za kvalifikaciju u pogledu tehničke i profesionalne sposobnosti, evidentno je da je ponuda **ponuđača „Buljan Ceste“ d.o.o. Kreševo nepotpuna i ne ispunjava sve postavljane uslove iz tenderske dokumentacije broj 02-11-11120/23.**

- Tačkom 14.1. tenderske dokumentacije broj 02-11-11120/23 postavljeni su minimalni zahtjevi u pogledu tehničke i profesionalne sposobnosti u smislu člana 48. i 51. ZJN BiH, te je propisano da ponuđači trebaju ispuniti sljedeće minimalne uvjete za kvalifikaciju. Tačkom 14.1. pod c) propisani su uslovi da ponuđači posjeduju ili imaju osiguran pristup tehničkoj opremi potrebnoj za realizaciju ugovora, koja mora zadovoljavati sljedeće uvjete:

- dva (2) teretna vozila, koja moraju ispunjavati propisane tehničko eksploatacijske uvjete za obavljanje prijevoza, nosivosti minimalno jedna (1) tona ili više, i kapaciteta minimalno 6 sjedišta ili više;

- jedno (1) teretno vozilo, koje mora ispunjavati propisane tehničko eksploatacijske uvjete za obavljanje prijevoza, nosivosti minimalno pet (5) tona ili više, i kapaciteta minimalno 2 sjedišta ili više.

U svrhu dokaza o ispunjavanju uslova utvrđenih u tački 14.1. TD ponuđači su bili dužni u ponudi dostaviti sljedeće dokaze (pod c): Izjava/potvrda o posjedovanju ili osiguranom pristupu tehničkoj opremi potrebnoj za realizaciju ugovora (Aneks 5c). Uz izjavu kao dokaz dostaviti potvrde – dokaze o stvarnoj dostupnosti i ispunjavanju postavljenih tehničkih uvjeta (karakteristika) u pogledu tehničke opreme iz t. 14.1. ove tenderske dokumentacije. Zakonom o cestovnom prijevozu Federacije Bosne i Hercegovine propisano je (čl. 5.): *„Javni prijevoz i prijevoz za osobne potrebe može se obavljati samo ako su ispunjeni posebni eksploatacijski uvjeti za pojedine vrste prijevoza i ako vozilo ili skup vozila kojim se obavlja prijevoz, pored uvjeta utvrđenih propisima o sigurnosti prijevoza na cestama i drugim propisima, ispunjavaju tehničko-eksploatacijske uvjete. Tehničko-eksploatacijski uvjeti propisuju se posebnim pravilnikom koji donosi federalni ministar prometa i komunikacija (u daljnjem tekstu: federalni ministar). Rješenje o ispunjavanju uvjeta iz stava 1. ovog članka, na temelju potvrde stanice tehničkog pregleda iz članka 72. stavak 2. ovog zakona, donosi mjerodavno kantonalno ministarstvo za poslove cestovnog prometa (u daljnjem tekstu: mjerodavno kantonalno ministarstvo) na čijem području prijevoznik ima sjedište, odnosno prebivalište.“*

Uvidom i analizom ponude ponuđača „Buljan Ceste“ d.o.o. Kreševo, Komisija je utvrdila da ponuđač „Buljan Ceste“ d.o.o. Kreševo nije u svojoj ponudi dostavio tražene dokaze o ispunjavanju propisanih tehničko-eksploatacijskih uvjeta, za teretna vozila navedena u Izjavi o posjedovanju ili osiguranom pristupu tehničkoj opremi potrebnoj za realizaciju ugovora (Aneks 5c), a kojima se dokazuje ispunjenost postavljenih minimalnih zahtjeva iz t. 14.1. tenderske dokumentacije. Imajući u vidu da je tačkom 14.2. predmetne tenderske dokumentacije propisano da su ponuđači bili dužni u ponudi dostaviti dokaze o ispunjavanju minimalnih uvjeta za kvalifikaciju u pogledu tehničke i profesionalne sposobnosti, evidentno je da je ponuda **ponuđača „Buljan Ceste“ d.o.o. Kreševo nepotpuna i ne ispunjava sve postavljane uslove iz tenderske dokumentacije broj 02-11-11120/23.**

- **ponuda broj 2 ponuđača „Colorex“ d.o.o. Mostar** ispunjava formalno pravne i tehničke uslove i zahtjeve iz tenderske dokumentacije te je ponuda prihvatljiva za ugovorni organ.

Obzirom da je tenderskom dokumentacijom broj 02-11-11120/23 predviđeno provođenje E-aukcije, te imajući u vidu da je nakon ocjene ponuda u predmetnom postupku javne nabavke dostavljena jedna prihvatljiva ponuda, Komisija je zaključila da se e-aukcija ne može zakazati. Naime, shodno čl. 3. st. 3. Pravilnika o uvjetima i načinu korištenja e-aukcije („Sl. glasnik BiH“, br. 66/16) u slučaju prijama jedne prihvatljive ponude e-aukcija se ne može zakazati, **nego se postupak okončava u skladu sa članom 69. Zakona**

Imajući u vidu sve prethodno navedeno, a nakon izvršene analize dostavljenih ponuda, Komisija utvrđuje konačnu rang listu ponuđača čije ponude ispunjavanju formalno-pravne, ekonomske i tehničke uslove i zahtjeve iz tenderske dokumentacije:

1. „Colorex“ d.o.o. Mostar sa ponuđenom cijenom od 296.850,00 KM (bez PDV-a), odnosno 347.314,50 KM (sa PDV-om)

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Dostaviti:

1. ponuđačima
2. Služba za budžet i finansije
3. Tajništvo gradonačelnika/objava na web-stranici
4. u spis
5. a/a

**Gradonačelnik**  
  
**Mario Kordić**